

T 7971/7940(3)



CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

JAN 22 1965

圖像本草蒙筌卷之二

哈佛大學漢和  
圖書館珍藏印

新安陳嘉謨廷采纂輯

欽邑葉集 鮑倚 校刊  
婿晨  
嬌胡一貫  
潭陽後學劉孔敦 若樸 增補

草部中

芎藭 味辛。氣溫。升也。陽也。無毒。生川蜀。名雀腦芎者。圓實而重。狀如雀腦。此上

品也用治凡病證俱優。產歷陽。屬廬州府名馬銜芎者。根節大莖細。狀如馬銜。合此

齒根血獨妙。京芎關中所種。關中自古西京多。種蒔因而得名。功專療偏頭疼。台芎

出台州。屬所只散風去濕。撫芎出撫郡。屬江西惟開鬱寬胸。餘產入

藥不堪。煮湯浴身則可。一名香果。嘗載圖經。秋採曝乾。拯疴。形擇

重實潔白。勿用者惡黃耆。山茱狼毒。畏硝石。滑石。黃連。反藜蘆。使向

芷。乃手少陽本經之藥。又入手足厥陰二經。堪佐升麻。升提氣血



止本經頭痛。血虛頭痛之不可遺。餘經頭痛亦宜用。俱各加引經藥。散肝經諸風。頭面遊風之不可缺。上行頭目。下行血海。通肝經血中之氣藥也。治一切血。破癥結宿血。而養新血。及鼻洪吐血。溺血。婦人血閉無娠。治一切氣。噉心腹結氣。諸般積氣。併脇痛痰氣。疝氣。中惡卒痛。氣塊。排膿消癰。長肉。兼理外科。溫中燥濕。散寒。專除外感。得牡蠣。療頭風。旋暈吐逆。得細辛。治金瘡作痛。呻吟。同生地黃煎。禁崩漏不止。用陳艾湯調末。試胎孕有無。婦人經斷三四月。用此藥服。之腹內覺動。是孕。否則病也。所忌須知。單服久服。犯則走散真氣。令人暴亾。務加他藥佐之。中病便已。○薜無係芎苗葉。地產又尚雍州。屬陝西。卻風眩止泄瀉。除蠱毒鬼疰。主欬逆驚癇。

謨按芎藭不宜單服久服。犯則走散真氣。令人暴亾。無乃因其氣味辛溫。辛甘發散之過。丹溪嘗此示人也。又古一婦人感患

頭風服芎半年。一旦暴死。亦載經註。垂戒叮嚀。迹此觀之。芎藭之禍。信弗輕矣。故今明醫。每用四物湯。治虛怯勞傷。減去其芎。亦鑒此轍。奈何鄉落愚民。罔明藥性。時採土芎煎茶。謂馨香美體氣稍實。僥倖無虞。儻涉虛羸。鮮不蒙其禍者。惟歸天命。果真天作孽耶。抑自作孽耶。

鳳翔府芎藭



永康軍芎藭



芍藥

味苦酸。氣平微寒。氣薄味厚。可升可降。陰中之陽。有小毒。近道俱生。淮南獨勝。開花雖顏色五品。入藥惟赤白二根。山谷花葉



單根重實有力。家園花葉盛。根輕虛無能。反藜蘆。惡硝斛。石斛畏  
硝石。鼈甲。小蘄。使烏藥。沒藥。雷丸。入手太陰肺經。及足太陰脾臟。  
赤白因異。製治亦殊。赤芍藥。色應南方。能瀉能散。生用正宜。白芍  
藥。色應西方。能補能收。酒炒纔妙。若補陰酒浸日曝勿見火赤利小便去熱。消  
癰腫。破積堅。主火盛眼疼。要藥。白和血脉緩中。固腠理。止瀉痢。為  
血虛腹痛捷方。已後數條。惟白可用。得甘草炙為輔佐。兼主治寒  
熱腹疼。熱加黃芩。寒加肉桂。與白朮同用補脾。與參耆同用益氣。  
與川芎同用瀉肝。凡婦人產後諸病。切忌煎嘗。因其酸寒。恐伐生  
發之性故也。儻不得已要用。桂酒肉桂煎酒漬炒少加。血虛寒人亦禁  
莫服。經云。冬月減芍藥。以避中寒。則可徵矣。

謨按芍藥。何入手足太陰也。蓋酸澁者為上。為收斂停濕之劑。  
故爾。雖主手足太陰。終不離於收降之體。又至血海。而入九地

之下。直抵於足厥陰焉。氣味酸收。又何利小便也。蓋腎主大小  
二便。用此益陰滋濕。故小便得通。仲景治傷寒。每多月者。却非  
以其主寒熱利小便乎。一說芍藥本非通利之藥。因其能停諸  
濕。而益津液。故小便自利。於義亦通。又何謂緩中也。蓋損其肝  
者。緩其中。即調血止痛之謂。丹溪云。芍藥惟止血虛腹痛。然諸  
痛並宜辛散。此僅酸收。故致血調。血調則痛自止。豈非謂緩中  
也。

### 澤州芍藥



黃芩 味苦。氣平。大寒。味薄。氣厚。可升可降。陰也。陰中微陽。無毒。所

產尚彭城。屬山東凡用擇深色。剔去內朽。刮淨外衣。薄片咀成。生炒



如式單惡葱實勿令同煎。畏丹砂牡丹藜蘆。用山茱龍骨引使。枯  
 飄者名宿芩。入手太陰。上膈酒炒為宜。堅實者名子芩。入手陽明。  
 下焦生用最妙。宿芩瀉肺火消痰利氣。更除濕熱。不留積於肌表。  
 間。子芩瀉大腸火。養陰退陽。又滋化源。常克溢於膀胱內。一赤痢  
 類併可止。一赤眼脹痛能消。得五味蒙蠟。五味子牡蒙牡蠟育妊娠得白  
 木砂仁安胎孕。療鼠瘦。同者歛赤豆。黃者白歛赤小豆治腹疼。同厚朴黃  
 連又煎小清空膏。載丹溪方單味而清頭腦。總除諸熱。收盡全功。子研  
 細煎湯治腸辟膿血。

耀州黃芩



潞州黃芩



黃連

味苦。氣寒。味厚。氣薄。可升。可降。沉也。陰也。陰中微陽。無毒。宣

連出宣城

屬南直隸

肥麓苗少

去苗收者

川連生川省。瘦小苗多

帶苗收者

並取

類鷹爪連珠。不必分地土優劣。日曝待甚乾燥。布裹將音落淨鬚苗

治諸火邪。依各製炒。火在上。炒以醇酒。火在下。炒以童便。實火朴

硝。虛火醞醋。痰火薑汁。伏火火伏下焦者鹽湯。氣滯火。同吳茱萸。血癥

向東者妙

研炒之

硝茱漆土俱研細調水和炒

肝膽火盛欲毆。必求猪膽汁炒。又治赤眼。人乳浸蒸。或點。或吞。立

能劫痛。勝烏附。烏頭附子畏款冬。惡芫菊。芫花菊花玄參。忌猪肉冷水。為使

黃芩龍骨。入手少陰心經。巴豆遇之其毒即解。可熬膏煎液。任合

散為丸。香連丸。廣木香和攪。為腹痛下痢要藥。茱連丸。吳茱萸佐

助。乃吞吐酸水神方。如止消渴便多。單研蜜為丸亦効。同枳殼治

血痔。同當歸。治眼瘡。佐桂蜜煎服空心。

黃連為君佐官桂少許煎百沸入蜜空心服之使



心腎交於頃刻。鎮肝涼血。凡治血防風為上使黃連為中使地榆為下使調胃厚腸。益膽止驚。瀉心除痞。滿去婦人陰戶作腫。愈小兒食土成疳。消惡瘡。惡癰。卻濕熱鬱熱。○又種生羌胡國土。因以胡黃連為名。乾如楊柳枯枝。折斷一線煙出。氣平寒。味尤苦甚。心內黑。皮略淡黃。惡玄參菊花。亦解已毒。忌猪肉悞食。令人洩精。療癆熱骨蒸。治傷寒欬嗽。溫瘧多熱。即解。久痢成疴。竟除。補肝膽。劫目痛。尤靈。理腰腎。欬陰汗最捷。小兒盜汗潮熱。婦人胎蒸虛驚。並宜用之。不可缺也。

謨按苦先入心。火必就燥。黃連苦燥。乃入心經。雖云瀉心。實瀉脾臟。為子能令母實。實則瀉其子也。但久服之。反從火化。愈覺發熱。不知有寒。故其功效。惟初病。氣實熱盛者。服之最良。而久病。氣虛發熱。服之。又反助其火也。

雅州黃連



宣州黃連



廣州胡黃連



桔梗

味辛苦。氣微溫。味厚。氣輕。陽中陰也。有小毒。嵩山前註雖盛。近

道亦多。交秋分後採根。啞味苦者入藥。蘆苗去淨。泔漬。洗宋泔焙

乾。入手足肺膽二經。畏白芨龍眼龍膽。開胸膈。除上氣壅。清頭目。



散表寒邪。毆脇下刺疼。通鼻中窒塞。咽喉腫痛急覓。中惡蠱毒當求。逐肺熱。住欬下痰。治肺癰排膿養血。仍消恚怒。尤卻怔忡。又與國老草並行。同為舟楫之劑。載諸藥不致下墜。引將軍黃大可使上。升。解利小兒驚癇。開提男子血氣。○薺芫別種味甘氣寒。在處山谷生。苗與桔梗似。根甚甘美。可亂人參。土人取蒸。扎匾以克人參。賣者即此是也。善解諸毒。別無所能。蛇蟲毒搗敷。藥石毒生服。以毒藥與之共處。其毒氣自旋消無。野猪被毒箭中傷。亦每食此物得出。

潤州薺芫



蜀州薺芫



和州桔梗



桔樓實

味苦甘。氣寒。味厚氣薄。屬土有水陰也。無毒。春生山野僻處。苗係藤蔓引長。葉作叉有毛。似甜瓜葉花淺黃六瓣。似葫蘆花實結拳大。

青漸赤黃。皮黃蒂小正圓者名桔。皮赤蒂麓銳長者名樓。名傳雖

異。證治相同。霜降採收。囫圖搗爛。或煨蛤蜊粉和。擇紫口者煨研

半。或研明礬末攪。括樓一斤。明礬四兩。各以新瓦貯盛。置於風日處所。待甚

乾燥復研細霜。明礬者號如聖丹。用薑汁打糊丸。就生薑湯吞下

蛤蜊者勝真海粉。可多備聽用一年。出諸證並主痰喘欬哮。服下

神効立獲。取子剝殼。用仁滲油。重紙包裹只一度。免人惡心。母多

次。失藥潤性。畏牛膝乾漆。及附子烏頭。惡乾薑。使枸杞味甘補法。



捷性潤下氣佳。令垢滌鬱開。故傷寒結胸必用。俾火彌痰降。凡虛怯癆嗽。當求解消渴生津。悅皮膚去皺。下乳汁。炒香酒調未服。炒香熟為末酒調一七覆面臥少時止諸血。並炒入藥煎湯。一切血症並治莖葉搗汁濃煎淨咀片。善潤心中。枯渴大降。膈上熱痰腫毒排膿。潰瘍長肉。消撲損瘀血。除時疾熱狂。毆酒疸。去身面黃。通月水。止小便利。仍治偏疝。酒浸微煎。如法服之。住痛如劫。先以錦袋包煖陰囊取天花粉五錢以時酒一碗早晨漬至下午微煎滾於天空下露過一宿次早低凳坐定雙手按膝飲下即愈如未効再服一劑造粉調粥日食亦潤。枯燥補虛。

稻樓根名天花粉

內有花紋天然而成故名之



衡州秭樓



均州秭樓



貝母 味辛苦氣平微寒無毒。荆襄多生。苗莖青色。葉如大麥。花

類鼓子花。近冬採根。曝乾聽用。有瓣如聚貝子。故人以貝母名。黃

白輕鬆者為良。油里重硬者勿用。去心咀片。入肺行經。消膈上稠

痰。久欬嗽者立効。散心中逆氣。多愁鬱者殊功。仲景治寒實結胸

製小陷胸湯。以秭樓子黃連輔斯作主。因味辛散苦瀉故能下海氣今方改用半夏悞也

藏療產後無乳。立三母散。用牡蠣知母尊此為君。煮猪蹄湯調服足生人

面惡瘡。燒灰油敷收口。產難胞衣不出。研末酒服。離懷時疾黃疸。



能毆赤眼。膚腎堪點。除疝痕。喉痺。止消渴熱煩。○又丹龍睛係獨  
穎瓣。無分拆。儻候煎服。令遍身筋不收持。藍汁黃精。合飲即解。

護按世俗多以半夏有毒棄而不用。每取貝母代之。殊不知貝

母乃太陰肺經之藥。半夏乃太陰脾陽明胃經之藥。何得而相  
代耶。且夫欬嗽吐痰。虛勞吐血。咯血痰中見血。咽痛喉閉。肺癰  
肺痿。婦人乳難癰疽。及諸鬱證。此皆貝母為向導也。半夏乃為  
禁用。若涎者。脾之液也。美味膏梁炙煨大料。皆生脾胃濕熱。故  
涎化稠粘為痰。久則生火。痰火上攻。故令昏惰不省人事。口噤  
偏廢。僵仆蹇澁不語。生死旦夕。自非半夏。南星。局可治乎。若以  
貝母代之。則束手待斃矣。

貝母實



丹龍睛 圓無瓣者勿用



貝母



款冬

款冬 味辛甘。氣溫陽也。無毒。生常山 縣名屬浙江 山谷。及上黨 註水

傍。葉大成叢似葵。花出根下如菊。百草中惟此不顧冰雪。最先春  
者也。原呼鑽凍。今名款冬。擇未舒嫩莖採收。去向外裹花零殼。其  
草湯浸一宿。待乾。揉碎。纔煎。惡硝石皂莢玄參。畏麻黃。辛夷。貝母。  
仍畏四味。芩連者。藉 黃芩黃連黃耆青藉 使杏仁。宜紫苑。治肺癰膿血腥臭。  
止肺欬。痰唾稠粘。潤肺瀉火邪。下氣定喘促。卻心虛驚悸。去邪熱。  
驚癇。補劣除煩。洗肝明目。又毆久嗽。燒煙吸之。



晉州款冬花



紫苑

味苦辛。氣溫無毒。近道多生。真定郡名屬北直隸獨勝。根甚柔細。春

初採收。水洗淨去頭。蜜浸宿焙用。忌雷丸遠志。惡瞿麥天雄。畏茵

陳蒿。使款冬。蓋主欬逆痰喘。肺痿吐膿。治小兒驚癇。寒熱結氣。虛

勞不足能補。蓋毒瘵。覺堪毆。仍佐百部款冬。研末薑梅湯下。共治

久嗽。立建神功。欬冬。蓋各一兩。百部五錢。為末。每服三錢。○女苑

氣味同。漢中郡名屬陝西川谷產。一名白苑。惟畏鹵鹹。紫苑缺時用此

可代。亦主驚癇。寒熱氣喘。又止霍亂。瀉痢腸鳴。除肺傷。欬勤。去膀

腕支滿。

解州紫苑



馬兜鈴

味苦。氣寒。陰中之陽。無毒。山谷俱有。野坂尤多。藤蔓繞樹

而生。結實如鈴。五瓣。去革膜。取向裏。匾子。入藥劑。微炒。燥為良。燒

煙熏。痔瘻。蠱瘡。煎湯。劫痰。結喘。促。去肺熱。止欬。清肺氣。補虛。○根

名青木香。亦為散氣藥。

信州馬兜鈴



滁馬兜鈴





**木香** 味甘苦。氣溫。味厚於氣降也。陰中陽也。無毒。出自外番。來從  
 閩廣。形如枯骨。苦口粘牙。凡欲用之。勿見火日。合丸散。日際熏乾。  
 煎熟湯。臨服投末。氣劣氣不足。能補。氣脹氣窒。塞能通。和胃氣如  
 神。行肝氣最捷。散滯氣於肺上膈。破結氣於中下焦。毆九種心疾。  
 逐積年冷氣。藥之佐使。亦各不同。破氣使檳榔。和胃佐薑橘。止霍  
 亂吐瀉。嘔逆翻胃。除痞癖癥塊。臍腹脹疼。安胎健脾。誅癰散毒。和  
 黃連。治暴痢。用火煨。實大腸。辟瘟疫邪。禦霧露瘴。易老云。總調諸  
 氣之劑。不宜久久服之。

謨 按王海藏謂本經云。主氣劣氣不足。藥性論謂安胎健脾。是  
 皆補也。衍義謂瀉胸腹窒塞積年冷氣。日華子謂除痞癖癥塊。  
 是皆破也。易老總謂調氣之劑。不言補。不言破。諸說不同何也。  
 恐與補藥為佐。則補與瀉藥為佐。則瀉。故云然也。

滁州青木香



廣州木香



**大茴香** 即懷香子 味辛。氣平無毒。鄉落多生。秋月方採。殼有八角。子赤藏

中嚼甚香甜。鹽酒炒用入心腎二臟及小腸膀胱。主腎勞疝氣小

腸吊氣。變疼。理乾熱脚氣。膀胱冷氣。腫痛。開胃止嘔。下食。調饌止

臭生香。為諸痿霍亂捷方。補命門不足。要藥。療惡腫癰毒。搗根葉

汁吞。○又小茴香。家園栽種。類蛇床子。色褐。輕虛。亦治疝散疼。每

同煎取効。飲饌大料。增入尤奇。○別種蒔蘿。出自閩廣。顆粒似蔓

木。但皮薄。色褐。不紅耳。氣味比茴香更辛。散氣除脇肋膨



調饌殺魚肉毒。消食開胃。溫中健脾。

大茵香



藜香子



小茵香



廣州蒔蘿



香附子

即莎草根味苦甘。氣微寒。氣厚於味。陽中陰也。無毒。近道郊野俱生。高州屬廣東出者獨勝。狀如棗核。周匝有毛。秋取曝乾。忌鹹器。

預春熟。童便浸透。復搗碎。砂鍋炒成。若理氣疼。醋炒尤妙。乃血中

氣藥。凡諸血氣方中。所必用者也。快氣開鬱。逐瘀調經。除皮膚瘙

癢。外邪。止霍亂吐逆。內證。炒黑色。禁崩漏下血。調醋末。敷乳腫。成

癰。宿食可消。泄瀉能固。毆熱長毛髮。益氣克皮毛。久服利人。疎利之劑

亦當解悟。又引血藥至氣分而生血。故因而稱曰。婦人聖藥也。

謨按本經諸方。用逐瘀血調經。是下氣而推陳也。用治崩漏不

止。是益氣而止血也。又云。引血藥至氣分而生血。是又能補。何

如言相背。用相矛盾耶。雖然。是亦陰生陽長之義爾。但本經

未嘗言補。惟下老湯用之。言于老人有益。意有存焉。蓋于行中

兼有補。補中兼有行。正如天之所以為天者。健而有常也。健運

不息。所以生生無窮。即此理也。



澧州莎草



益智 味辛氣溫無毒嶺南州郡歲歲有生去殼取仁研碎入藥主君相二火入脾肺腎經在四君子則入脾在集香丸則入肺在鳳髓膏則入腎三經而互用者蓋有子母相關意焉和中氣及脾胃寒邪禁遺精併小便遺溺止嘔噦而攝涎唾調諸氣以安三焦更治夜多小便入鹽煎服立効

雷州益智子



縮砂蜜

味辛苦氣溫無毒產波斯國中及嶺南山澤苗高三四尺

許類高良薑苗莖

葉有八九寸長

潤半寸許

開花近根嬌繞結實成穗連綴皮

緊厚多皺色微赤黃子八漏一團粒如黍米故名縮砂蜜也秋採陰乾精製如式先和皮慢火炒熟纔去殼取仁研煎與益智子入參為使入脾與白檀香荳蔻為使入肺黃蘗茯苓為使入膀胱腎赤白石脂為使入大小腸除霍亂止惡心卻腹痛安胎溫脾胃下氣治虛勞冷瀉併宿食不消止赤白洩痢及休息痢證總因通行結滯服之悉應如神起酒味甚香調食饌亦妙

新州縮砂蜜

即砂仁





草菓 味辛氣溫升也陽也無毒惟生閩廣八月採收肉子大粒成團外殼緊厚黑皺凡資入劑取子剉成氣每熏人因最辛烈夏月造生魚鱸亦多用此釀成故食饌大料方中必仗以為君也消宿食立除脹滿去邪氣且卻冷疼同縮砂溫中焦佐常山截疫瘧碎山嵐瘴氣止霍亂惡心

按草菓本經原未載名今考方書補其遺缺但性辛烈過甚此合諸藥同煎氣獨熏鼻則可知矣雖專消導大耗元陽老弱虛羸切宜戒之

### 草菓仁



肉豆蔻 味苦辛氣溫無毒胡國多生嶺南亦產一名肉菓形類彈

丸油色肥實佳麵包煨熟用所入經絡推手陽明療心腹脹疼卒成霍亂者可止理脾胃虛冷不消宿食者能溫男婦傷暑血痢有功小兒傷乳吐瀉立效痢疾助之白粥飲吐瀉佐以生薑湯

### 廣州肉豆蔻



白豆蔻 味辛氣大溫味薄氣厚陽也無毒原出外番今生兩廣苗

類芭蕉最長葉如杜若不凋開花淺黃結子作朶生青熟白七月採收入手太陰肺經別有清高之氣散胸中冷滯益膈上元陽溫脾土卻疼退目雲去障止翻胃嘔消積食膨



廣州白豆蔻



草豆蔻

味辛。氣溫。陽也。無毒。交趾

國名

多生。嶺南亦有。苗類杜若。梗

根似高良薑。花作穗。嫩葉卷之而生。葉漸舒。花漸出。如芙蓉。淡紅

實結苞。至秋成殼而熟。秋方老。殼方黃。似龍眼。微銳。外皮有稜。如

稜。無鱗。甲中子連綴。亦似白豆蔻多粒甚辛香。應時採收。曝乾收貯。入劑

剝殼取子。行經。惟胃與脾。去膈下寒。止霍亂吐逆。肢臍上痛。逐客

忤邪傷。酒毒尤消。口臭即解

謹

按草豆蔻。用治中脘冷疼。鮮有得其真者。市家多以草仁假

代。安獲奇功。考究圖經。著明形色。俾後醫士過目。即知。即但可

取効。病人。抑亦不受欺於賣者也。

草豆蔻



藿香

味辛甘。氣微溫。味薄。氣厚。可升。可降。陽也。無毒。嶺南郡州。人

多種。蒔七月收採。氣甚芬香。市家多攙棉花葉。茄葉。假克。不可不

細擇。爾揀去枝梗。入劑。專治脾肺二經。加烏藥。順氣散中。奏功于

肺。加黃耆。四君子湯內。取効在脾。入傷寒方。名正氣散。理霍亂。俾

嘔吐止。開胃口。令飲食增。禁口臭難聞。消風水延腫

蒙州藿香





高良薑 味辛苦。氣大溫。純陽無毒。高良係廣屬郡。今誌改名高州。薑乃地土所生。形多細小而緊。健脾消食。下氣溫中。除胃間冷逆。衝心。卻霍亂轉筋瀉痢。翻胃嘔食可止。腹痛積冷堪毆。○結實秋收。名紅豆蔻。善解酒毒。餘治同前。

儋州高良薑




雷州高良薑



胡椒 味辛。氣大溫。屬火有金。無毒。來從南廣。出自西戎。蔓生。苗莖軟柔。長僅寸半。延發枝條細嫩。與葉相齊。子結條中。兩兩相對。其葉晨開暮合。合則將子裹藏。陰氣不沾。故甚辛熱。狀如鼠李。六月

採收。番人呼為昧履支。中國稱曰胡椒子。殺一切魚肉菰蕈之毒。調諸般食饌湯飲之需。下氣去風痰。溫中止霍亂。腸胃冷痢可卻。心腹冷痛堪除。療產後血氣刺疼。治跌撲血滯腫痛。食勿過劑。肺傷脾。○又葷澄茄柄。籠帶圓係嫩胡椒。青時摘取。一云向陽生者為胡椒。向陰生者為澄茄。化穀食。理逆氣多効。消痰癖。止嘔噦。殊功染鬚髮香身。逐鬼氣。除脹傷寒。欬噫亦每用之。○山胡椒所在俱生。顏色烏。顆粒略大。止痛破滯。俗用亦靈。

胡椒



防風 味甘辛。氣溫升也。陽也。無毒。種生沙苑。屬河。根類蜀葵。秋後



採收曝乾入藥。殺烏頭大毒惡藜斂芫薑黎蘆白斂芫薑擇堅實脂潤為良。去蘆頭斂股不用。係太陽木經之藥。又通行脾胃二經。職居卒伍卑賤之流。聽命卽行。隨引竟至盡治一身之痛。而為風藥中之潤劑也。治風通用。散濕亦宜。身去身半已上風邪。稍去身半已下風疾。收滯氣。面頰尤瀉。肺實有餘。眩暈頭顱更開。目盲無見。故云。除上焦風邪。要藥。儻或誤服。反瀉人上焦元氣。為害豈淺淺哉。**花**止痛骨節間亦治風。効**子**消穀胃脘內又調食香。葉收採煎湯。主風熱汗出。

防風



力已。味辛苦。氣平寒。陰也。無毒。多生漢中府。屬陝西通行十二經。畏單薺。救雄黃毒惡。細辛。宜使殷藥狀與木通近似。氣吹亦貫兩項。賣家因難得真。多採似者。假代殊不知氣味大異。無益有傷。凡不拯疴。甚宜細審。種因根苗各治。名分漢木兩呼。漢防已。是根破之紋。作車輻解。黃實馨香。木防已。是苗。皮皺。上有丁足子。青白虛軟。宗此辨認。庶不差訛。並刮淨。龜皮。纔咀成薄片。漢者主水氣。名載君行。音抗木者理風邪。職僉使列。故云。腰已下至足。濕熱腫痛。脚氣及利大小二便。退膀胱積熱。消癰散腫。非用漢者。不能成功。若療肺氣喘嗽。膈間支滿。併除中風。攣急風寒濕瘧熱邪。此又全仗木者以取効也。

謨按東垣云。防已性苦寒。純陰能瀉血中濕熱。通血中滯塞。補陰泄陽。助秋冬瀉春夏之藥也。譬諸於人。則險而健者類之。夫



險健者。每每幸災樂禍。遇有風塵之警。必竟借為亂階。然而見善亦喜。見惡亦怒。如善用之。可使禦敵兇暴之人。衝突險固之地。亦不為無益者也。故凡瞑眩之藥。聖人安得因之。而便廢耶。亦必存之。以待善用。今夫防已。聞其臭則可惡。下咽則令身心煩亂。飲食減少。藥之瞑眩。誠為拇拙。至於通行十二經。以去濕熱。壅塞腫疼。反治下注脚氣。除膀胱積熱。而庇其基。則非此不可。誠為行經之僊藥也。然雖藥力之能。亦在人善用。而不錯爾。復有不可用者。數端。今悉舉陳。使知警省。如飲食勞倦。陰虛內熱。元氣穀氣已虧之病。而以防已瀉去大便。則重亡其血。此不可用一也。如大渴引飲。是熱在下。焦氣分宜滲瀉之。其防已乃下焦血藥。此不可用二也。如外感風寒。邪傳肺經。氣分濕熱。而小便黃赤。甚至不通。此上焦氣病。禁用血藥。此不可用三也。若人久病。津液不行。上焦虛渴。宜補以人參。葛根之甘溫。惟用苦寒之劑。則促危亡。此不可用四也。仍不止如此。但上焦濕熱。皆不可用。若係下焦濕熱。流入十二經。以至二陰不通。必須審用可也。學者宜併覽之。

興化軍防已



黔州防已



紫蘇 味辛。氣微溫。無毒。各園圃俱栽。葉背面並紫。氣味香。竄者甚美。五月。端午日。採乾發表。解肌療傷。風寒甚捷。開胃下食。治作脹。蒲易差脚氣。兼除口臭。亦辟梗。下諸氣。略緩體。稍虛者用。宜子研。



圖像本草卷之二  
卷二  
毆痰降氣定喘潤心肺。止欬逆。消五膈。破癥堅。利大小二便。卻霍亂嘔吐。

紫蘇



簡州蘇



荆芥 味辛苦。氣溫。氣味俱薄。浮而升陽也。無毒。山谷生。在處有。作蘇香。氣又名假蘇。夏末採收。陰乾待用。須取花實成穗。能清頭目。上行。發表能解利。諸邪通血脉。傳送五臟下瘀血。除濕痺。破結。散瘡。瘰癧。和醋。敷風腫疔瘡。研調酒理中風。強直。仍治產後血暈。午未兔入童便。

成州假蘇卽

今荆芥是也



白芷 味辛。氣溫。氣味俱輕。升也。陽也。無毒。所在俱生。吳地尤勝。

甚香。竄又名芳香。根收處暑。蛙無是日收色選黃澤。効速。惡旋覆。

使當歸通行手足。陽明二經。又爲手太陰經之引使也。乃本經貢。

痛中風寒熱解利之要藥。亦女人漏下赤白血閉陰腫之僊丹。

用黑作面脂。去面癍。散目癢。止目淚。去肺經風寒。治風通用。療心腹。

血痛止痛多宜。外散乳癰。背疽。內托腸風。痔瘻。排膿消毒。長肉生。

肌一切瘡瘍。並用調治。與辛作料。治久患鼻塞如神。藥。



名高麻。道家常採煎湯浴。龍能。

蟲

### 澤州白芷



細辛 味大辛氣溫氣厚於味升也陽也無毒。山澤多產華陰

屬

西獨良葉類馬蹄莖如麥蘗其根甚細其味甚辛。藥中惟採根前

故。因名曰細辛也。賣者多以杜蘅假代。殊不知氣雖小異。入口

人不可不細擇耳。反藜蘆忌生菜畏滑石硝石。惡狼棗狼毒小 芩

者。雖手少陰引經乃足少陰本藥。或用獨滑為使。或佐曾青棗根

止本經頭痛如神。治諸風濕痺立効。安五臟尤益肝膽。溫陰經

去內寒。利竅通精氣。下氣得歸芍。牡本芎芷甘草

當歸芍藥牡丹皮藁本川芎白

芷甘療婦人血閉神方。得尖明魚膽羊肝

石決明青魚膽青羊肝

止風淚目

疼劫劑寒邪發在裏之表。合麻附三味煎湯

麻黃附子細辛湯載仲景方

及墮齒腫疼。煮濃汁熱舍冷吐過半錢單服。令氣塞命傾

### 信州細辛



麻黃 味甘辛。氣溫氣味俱薄。輕清而浮升也。陽也。無毒。青州彭城

並屬俱生。滎陽中牟。並屬獨勝。惡細辛。石葦。宜陳久年深。凡欲用

之。須依法製去根節單煮。豉沸。未用火焙乾。任合丸散。湯



方不令人煩悶。以厚朴為使。入四經。手太陰經。本經之陽。明經榮衛之藥。而又入足太陽經。手少陰經也。發汗解表。治冬月正傷寒。如神。岐風散邪。理春初真溫疫。果勝。泄衛實。消黑斑赤疹。去榮寒。除身熱。頭疼。春末溫瘧。勿加夏秋寒疫。切禁。因時已變。見熱難抵劑之輕揚。仍破積聚癥。堅更劫。欬逆痿痺。山嵐瘴氣。亦禦之。若蜜炒煎湯。主小兒瘡。胞患者。多服。恐致亡陽。止汗固虛。節是妙。

護

按東垣云。麻黃治衛實。桂枝治衛虛。雖俱治太陽之經。其實榮衛藥也。肺主衛。心主榮。麻黃為手太陰之劑。桂枝為手

之劑。故冬月傷寒。傷風欬嗽者。用麻黃桂枝。即湯液之源也。

麻黃又為在地之陰。陰當下行。何謂發汗而升上。經云。味之薄者。陰中之陽。麻黃屬陰。氣味俱薄。薄則陰中有陽。可知矣。安得

不為輕揚之劑。升土而發汗乎。但入手太陰經。終亦不能離少陰之本體也。

### 茂州麻黃



### 同州麻黃



### 葛根

味甘。氣平。寒。氣味俱薄。體輕上行。浮而微降。陽中陰也。無毒。

各山谷俱生。成藤。曼旋。長春初發葉。秋後採根。入土深者。力洪。皮用之。効速。殺野葛。巴豆。百毒。入胃足。陽明行。經療傷寒。發表解肌。治肺燥。生津止渴。解酒毒。卒中。卻溫瘧。往來。散外瘡。疹。止疼。提中胃氣。除熱。花消酒不醉。豎治。腸生根。汁乃大寒。專。行。



時病止熱毒吐衄去熱燁滯渴  
 粉甘冷醉後宜食除煩熱利大小便壓丹石解鳩鳥毒葉敷金瘡  
 搗爛蔓祛喉痺燒灰

成州葛根



海州葛根



葛靈僊

味苦氣溫可升可降陰中陽也無毒隨處平澤俱有

水聲者良先於衆草而生莖方數葉相對花開淺碧根甚密稠  
 月採根陰乾日選丙丁戊己去蘆酒洗忌茗麪湯消膈中久積痰  
 涎除腹內疝瘕氣塊散爪甲皮膚風中瘡痛利腰膝跖踝濕疹冷

疼蓋性好走能通行十二經爲諸風濕冷痛要藥也仍毆癥瘕  
 療折傷虛者切禁用之多服疏人真氣

石州威靈仙



寧化軍威靈仙



秦艽

味苦辛氣平微溫可升可降陰中陽也無毒出甘松龍洞

河陝諸州長大黃白色爲優新好羅紋者尤妙用菖蒲爲使入水  
 陽手經養血榮筋除風疽肢節俱痛通便利水散黃疸遍体如金  
 除頭風解酒毒止腸風下血去骨蒸傳尸



石州秦艽



化軍秦艽



藁本

味辛苦。氣溫。氣厚。味薄。升也。陽也。無毒。多產河東。亦生杭郡。春採根。曝三十日。成。因其根上苗下。狀與禾藁相同。故以藁本。名爾。惡藺茹。畏青箱。氣力壯雄。風濕通用。止頭痛。巔頂上。散寒。巨陽經。得白芷。作面脂。同木香。辟霧露。○實以鬼卿為譽。主風流。入四肢。

寧化藁本



荆州藁本



薄荷

味辛苦。氣溫。氣味俱薄。浮而升。陽也。無毒。又名鷄蘇。各處俱

種。姑蘇龍腦者第一。

龍腦地名在蘇州府儒李前。此處種者氣甚香。竄因而得名。古方有龍腦鷄蘇。凡即此是也。

五月端午日採乾。與薤作菹。相宜。和蜜炒。餞益妙。入手厥陰。絡及手太陰肺經。下氣。令脹滿消。發汗。俾關節通利。清六咽。首。毆諸熱。生風。退骨蒸。解勞乏。善引藥入榮衛。乃因性喜上升。小兒風涎。尤為要藥。新病瘥者。忌服。恐致虛汗亡陽。貓悞食之。即昏醉。益亦物相感爾。

蘇州薄荷





香薷

音柔

味辛氣微溫無毒。三月堪

蔬。兩京亦每栽種。入

隨處可收。大葉者種優。陳年者効捷。主霍亂中脘絞痛。治傷暑小便澁難散。水腫有微上微下之功。肺得之清化行熱。自下也。去口臭。有撥濁回清之妙。脾得之鬱火降氣不上焉。解熱除煩。調中見胃。○又有一種名石香薷。延生臨水附崖。葉細辛香。弥甚。今多以此拯治亦佳。

# 香薷



## 萎蕤女萎

味甘氣平無毒。泰山山谷多生。滁州舒州俱有。葉長而

節咸取象也。根大如指。一二尺長。色黃多鬚。甘美可啖。開青花春

末。結圓實。夏初入劑。採根竹力刮淨。蜜水浸宿。文火烘乾。勿誤

鈎吻黃精。

二物俱似萎蕤。但萎蕤節上有毛。莖斑葉尖處有小黃點。為異。

須仔細辯認真假。

方多用。畏鹵鹹。勿加。益氣補中潤肺。除熱主心腹結氣。虛熱濕毒

治腰脚冷痛。天行熱狂。止皆爛雙眸。逐風淫四末。澤容顏。去而

黠。調氣血。令體康強。○又種女萎。辛溫氣味。與萎蕤全別。似白

蔓生。開白花。結細子。在荆襄。每名曰蔓地楚。今人常謬以為白

翁。採得陰乾。去頭上白蓋。剉成細片。拌豆淋酒蒸。從巳至申。方

曝用。主霍亂腸鳴洩痢。灑浙風寒。埋遊氣。上下無常。癩癩寒熱。消

食。毆積。出汗散邪。

按萎蕤本經與女萎同條。

諸註有指一物二名。一曰白



是二物。又後女萎與前女萎

亦云功用並同。信非

乃刺出一條也。但考陳氏所註謂古方用者。又似差殊。胡洽治

時氣洞洩墮下。有女萎丸。治傷寒冷下。結腸丸。亦有女萎。治虛

勞小黃耆酒。云下痢者。加女萎。詳此數方所用。乃後加圈女萎

緣其性溫。主霍亂洩痢故也。又茵芋酒用女萎。主賊風手足木

痺。四肢拘攣。女萎膏治身體癩斑。剝乃似前與萎蕤同條。女萎

緣其主風滯四末。及去黑黥澤容顏。故陳藏器亦謂更非一

是不然。况此女萎性平味甘。後條女萎性溫味辛。性味既殊。功

用又別。安得為一物乎。又續命鼈甲湯。治傷寒七八日不

甲湯。治脚弱並用萎蕤。又萎蕤飲主風熱項急痛。四肢骨肉

熱。萎蕤丸主風虛熱發即頭痛。乃似前與女萎同條。萎蕤緣其

主虛熱濕毒故也。三者主治既殊。則非一物明矣。又云萎蕤

淞州萎蕤

各地節極似偏精。疑即青黏即華佗所服漆葉青黏散。是此也。然世無復能辯者。未敢為信。姑著之以俟明達折衷爾。



舒州女萎



菴耳實

味苦甘。氣溫。葉苦辛微寒。有小毒。本生蜀川。今發各處。

名菴耳實。小刺多。羊過即粘綴毛中。故又名之曰羊負來也。秋

微炒入藥。最忌猪肉米泔。散疥癬細瘡。遍身瘙癢者立効。毆風濕

周痺。四肢攣急者殊功。止頭痛善通頂門。追風毒任在骨髓。殺疳

蟲濕瘡。主惡肉死肌。益氣開聰。

志煖腰膝。亦堪久服。



身根葉逢端午收藏。碎惡入病。長汁攪小便同飲。去。如神。接安舌下流涎。治目黃好睡。若被犬咬。急服彌佳。痔發肛門。煎湯熏妙。

### 滁州菜耳



天名精。味甘辛。氣寒。無毒。各處江湖俱生。平原川澤尤盛。與菘

同狀。逢夏秋抽條。花開紫白相兼。葉似菘菜而小。本經別款地。即此是也。五月採曝。一種數名。辛味似薑。有麥句薑之號。香。

蘭。有蟾蜍蘭之稱。仍謂蝦蟇藍。因藍狀頗類。又呼天蔓菁。為蔓

略同。別說載名天門精。爾雅載名蒟菹。豕首。昔劉燼曾拔塞。剖麇

而蹶起。晉劉燼射一麇。剖除臙臙。拔此草塞腹內。後世復相傳。而蹶起。麇蹶而起。燼怪而去。草便倒。如此三度。

活鹿草。亦曰劉燼草。名之疊出如許之多。苟弗考詳。寧無疑惑。單用垣衣。為使專療折傷金瘡。拔腫毒惡疔。下瘀血血痕。利小便。以逐積水。除結熱。而止渴煩。追小蟲。去濕痺。亦堪久服。耐老輕身。

謨按一種數名者甚多。名各有因者誠少。此名疊出。咸載。但既稱活麇之功。當亦著濟人之効。歷考古傳方劑。並無用之。各省明醫絕無識者。有用之藥。不得濟用。當時徒列多名。正謂雖多亦奚以為也。

### 明州天名精



防葵。未甘辛。苦氣寒。無毒。一云。

每不生他郡。惟產襄陽。屬荆



一本二莖一莖三葉中根一草

青根若防風香竄故因名防葵也三月三日採根曝乾最易時損依時入水能浮切勿悞用狼毒二根形頗相類但防葵根浮水狼毒根沉水略少異耳善惡大差用宜謹藥劑修合製法須知甘草湯浸成塊一宵黃精汁拌咀片火燥主膀胱熱結尿溺不通治鬼瘧癩癩驚邪狂走疝瘕腸洩堪用小腹支滿能毆強志除腎邪益氣堅筋骨血氣痛大如椀摩醋塗上即消中火者不可服之令恍惚如見鬼狀

### 襄州防葵



### 蛇床子

味苦辛甘氣平無毒在處田野俱產揚州襄少苗葉成叢青碎彷彿蒿狀開白花細綴百餘一窠四五結黃子輕虛粒如黍米近秋收採背日陰乾所惡之藥有三牡丹巴豆貝母入藥取仁炒用浴湯帶殼生煎治婦人陰戶腫疼溫煖子臟疾子陰囊濕癢堅舉尿莖欽陰汗卻癩癩掃瘡瘍利關節主腰膝腫痛祛手足痺頑大風身癢難當作湯洗愈產後陰脫不起絹袋收婦人無娠最宜久服

### 蛇床子



蛇床子



草龍膽

味苦澁氣大寒氣味俱

也無毒山野俱有苗

葉類龍葵略尖根同牛膝甚苦故因名草龍膽也須近冬月方採其根甘草湯浸一宵漉出曝乾待用仗貫衆為使惡防葵地黃止洩痢去腸中小蟲卻驚癇益肝膽二氣胃中伏熱及時行溫熱忌除下焦濕腫併酒疸黃腫堪退療客忤瘖氣治癰腫口瘡敵驚非殺蠱毒酒浸為柴胡輔佐上行治眼目赤疼努肉必加翳障通甲空腹勿服令人溺遺

信陽軍草龍膽



襄州草龍膽



澤瀉

味甘酸氣寒氣味俱厚沉而降陰也陰中微陽無毒淮北雖

生不可入藥漢中所出方可拯痾蓋因形大而長尾有兩岐為異耳但易蛀朽須密收藏製宗雷公酒浸曝用畏海蛤文蛤二藥入

太陽少陽足經君五苓散中因其功長於行濕佐八味丸內

附等歸就腎經去陰汗大利小便瀉伏水微養新水故經云除濕

止渴聖藥通淋利水仙丹久服輕身多服昏目葉壯水臟通血

行乳汁催生實主風痺除濕邪強陰氣益腎服久無子惟面生光

按澤瀉多服雖則昏目暴服亦能明目其義何也蓋味鹹能

瀉伏水則胞中留久陳積之物由之而去也瀉伏水去留垢故

明目小便利腎氣虛故昏目二者不可不知



邢州澤瀉



瞿麥

味苦辛。氣寒降也。陽中微陰。無毒。生泰山川谷。今處處有。

結實與麥同形。故因名曰瞿麥。立秋收採。風際陰乾。惡蠅蝟。使

牡藁草利小便。君主可用。決癰腫。佐使堪為。去目腎逐胎。下明

出刺。

絳州瞿麥



草

味甘淡。氣平。味薄。降也。陽也。陽中陰也。無毒。產江淮山谷。如

指大藤莖。正月採收。陰乾入藥。因孔節相貫。吹口氣即通。故此得

名。去皮咀片。瀉小腸火鬱不散。非他藥可倫。利膀胱水閉不行。宜

琥珀相等。消癰疽作腫。療脚疽嗜眠。解煩熾開耳聾。出音聲。

塞。行經下乳。催產墮胎。實結如小木瓜。名曰鷺腹。白瓢亦能治翻

胃證。除熱三焦。根治項下癭瘤。多取絞汁頓服。○又種心空有

與燈草同。乃通脫六立名。憑揉碎用。潔白輕虛可愛。女工每剪的

花。利水使陰竅通和。退腫令癢閉舒泰。更治產後下乳如神。

謨按通草通脫木。經云。行水專利小腸。且多他證之治。既為

藥。當勿傳訛。奈何時醫。每以通草。認作別條。木通以通脫木。反

呼名曰通草。致使市家真偽混賣。悞人甚多。殊不知本草立名。

各有寓意。寓通脫木。因瓠中藏。得之名。竟直述通草。不



甚長大故以草稱。木通係俗。芻藤莖且大且長。特。字  
總曰通者。孔竅悉同。行水利腸固並建効。其治他證。雖百木通  
不能及一通草矣。齊驅並駕。安得謂乎。况木通栽多家園。皮薄  
堅確。實名葡萄。通草產自山谷。皮厚軟柔。實名鷲腹。通脫木。經  
虛潔白。皮木脫除。三者內似外殊。極易分別。名正言順。何得小  
違。只緣堅信耳聞。不復詳考經意。錯亂顛倒。莫覺其非。醫悞  
閑病悞深可憫也。

### 興元府通草



### 玄參

味苦鹹。氣微寒。無毒。春生深谷。莖方葉似芝蔴。又如槐柳細長。秋取  
傍根。正根勿用。初白乾。旋紫黑。鼻聞微臭。咀片忌銅。誤犯。

自古人深戒。吳載醫通。

郡韓氏醫通

惡者。棗薑菜。

黃者。大棗生薑。山菜。

反藜蘆。

味可為君藥。惟走腎經。強陰益精。補腎明目。治傷寒。身熱支滿。忽  
忽如不知人。療溫瘧。寒熱往來。灑灑時常發顫。除女人產乳餘。  
毆男子骨蒸傳尸。逐腸內血。癥堅癥。散頸下痰核。癰腫。益此。  
機之劑。管領諸氣。上下肅清。而不致濁。治空中氤氳之氣。散無相  
浮游之火。惟此為最也。

### 江州玄參



### 沙參

味苦甘。氣微寒。無毒。江淮俱多。宛句。

前註

尤妙。叢生崖壁上。苗

高二尺餘。葉類枸杞。有叉枒。根若葵根。而筋大。近夏花開。白色。瓣  
瓣有白粘膠。圖經嘗云。此為小。後採根曝用。中正白。佳。



反藜蘆。惡防已。乃足厥陰本經。治諸毒。排膿消腫。安三焦。益肺補肝。止疝氣絞疼。散浮風瘙癢。除邪熱。去驚煩。易老用人參。形實不同。蓋取味之苦甘。馮中兼補。略相類爾。

### 淄州沙參



### 丹參

味苦。氣微寒。無毒。山谷有。在處多。莖方稜。長尺餘。青色。葉相

對。似菱荷有毛。花紅紫。夏開。根麓長冬採。畏寒水。石也反藜蘆。

經脉勻。善理骨節痛。生新血。去惡血。落死胎。安生胎。破積聚。癰。止血崩帶下。脚痺軟能健。眼赤腫可消。散癭贅惡瘡。排膿生肉。辟精魅鬼祟。養正。毆邪。更治腸鳴幽幽。滾下如走水狀。

### 隨州丹參



### 青箱子

味苦。氣平微寒。無毒。圓圓俱有。江淮獨多。莖直似蒿。青

葉大如柳。柔軟。花上紅下白。形類鷄冠。即野鷄冠花。純白者勝。子黑。匾而平。

粒同莧實。六月收取。多治眼科。去肝臟熱毒。上衝。青盲。翳。除。

經火邪。暴發赤障。昏花。堅筋骨。鎮肝。益腦髓。聰耳。莖葉亦妙。春。

陰乾。治風熱瘙癢。於皮膚。療疥痔。蟲。匿於下部。止金瘡。去血。塞鼻。

衄來紅。

謨按本經款內載曰子名草。意謂功專治眼。特假引以



美之非真爲決明子也。若以則原揭諸簡端何不了而但曰青箱子乎。正猶沙參一名知母。龍眼一名益智。名同而實異也。且別條所載決明子藥。粒狀稍大。主治尤優。世醫弗明。或偏執一。不免得此失彼。大毒藥味之能矣。幸而此曰草決明。也。曰決明子。兩名雖一。上下字差。略此分別不同。讀者不可不

### 滁州青箱子



木賊 味甘微苦。無毒。苗長尺餘寸。寸有節。產自秦隴諸郡。色青。凌冬不凋。夏將莖收。手搯節淨。憑煎湯液。任合散丸。益肝膽。退目翳。

暴生消積塊。止月經久滴。極易發汗。大能疎邪。得麝香牛角腮冷。休息痢證。得芎歸。餘糧石。治赤白崩中。得桑耳。槐鵝。療腸風下血。得槐子。枳殼。療痔瘻來紅。

### 秦州木賊



惡實即牛旁子味辛苦。氣平無毒。原產鄧州。屬河南今生各處。葉如茵芋。

長大實似葡萄核。褐黃。殼類粟稗。小而多刺。鼠過之則綴惹不。故又名曰鼠粘子也。秋後採取。製宜酒蒸。止牙齒蝕疼。散面目浮腫。退風熱。咽喉不利。及腰膝風凝。毆風濕。癰癤盈肌。供瘡瘍毒。盛生吞一粒。即出瘡頭。明目。補中。散氣。



蜀州惡實



敗醬 味苦鹹氣平微寒。無毒。俗呼苦遮菜。多生深谷中。入劑用。夏初收採。因似敗豆醬氣。故以敗醬為名。入足少陰腎經及手厥陰包絡。除腫癰。排膿散血。破癰結。催產落胎。去疽痔疥癢。卻毒。痿痺鼻洪吐血能止。腹痛凝血可推。

江寧府敗醬



白薇 味苦鹹氣平大寒無毒。近道處處俱生根。類牛膝短小。三日收採。陰乾。惡黃耆。大黃。乾薑。及乾漆。山茱。大棗。主中風身熱。支滿。忽忽。人事不知。瘰癧。瘡寒熱。痲痲。洗洗。有時發作。狂惑。鬼。堪卻。傷中。淋露。可除。利氣。益精。下水。滲濕。

滁州白薇



白芷 味甘辛。氣微溫。無毒。出江浙蜀川生洲渚砂磧。葉如柳樹葉。苗似芫花苗。根龐長。與牛膝頗同。但堅脆。而柔軟。鮮有。凡資入藥。秋後採根。甘草湯浸一宵。折。煑焙用。欬嗽上氣能降。可為。



逆氣堪感氣壅膈倒睡不得者

氣衝喉呼吸欲絕者立效仍

治氣塞咽嗑時作水鷄聲鳴故古人氣嗽方中每每用之不遺亦以其善主一切氣也又能保定肺氣溫藥佐使尤奇

謨按白薇白前近道俱有苗莖根葉形色頗同儻誤採收殺頃刻必辨認的實方入藥拯病白前似牛膝麓長堅脆易斷白薇似牛膝短小柔軟能彎仍嚙汁味相參庶不失於差悞此醫家大關鍵匪特一藥為然凡相類者俱不可不細察爾

### 成州白前



### 舒州白前



### 白鮮

味苦鹹氣寒無毒山谷俱有苗莖尺餘嫩可葉稍白似槐

尤繁花淡紫開四月如蜀葵略小根與蔓菁彷彿心實皮色白黃一

月採根取皮差晚則虛惡也因鯁作羊羶氣息故俗加羊字于

俗呼為白羊鮮惡桔梗蝶蛸及茯苓草薺療遍身黃疸濕痺手足不

伸治一切癩毒風瘡眉髮因而脫落消女人陰腫或產後餘疼十

小兒驚癇併淋瀝欬逆時熱發狂飲水多多煎服尤宜葛洪治

瘦有膿熬白鮮皮膏吐出立愈李兵部理肺嗽不已製白鮮皮酒

飲下即差

### 滁州白鮮





薇銜

味苦氣平微寒無毒素問

麋銜南人謂之吳風草也根

莖赤黑。花開淺黃。葉叢生。似芫蔚。有毛種。兩般。分大小。各喚大者名大吳風草。小者名小吳風草。麋鹿有疾。銜此草。差素問之名。又因此出。產漢中川谷。及宛句邯鄲。屬陝西秋採。莖葉陰乾。須得秦芝為使。主風溼濕痺。致歷節痠疼。療吐瀉驚癇。及鼠瘦癰腫。卻執。痿蹙。逐水消暴癥。婦人服之。絕產無子。

謨

按神農經中。藥之靈者。不計千百。何獨麋銜。矢醴。並著素

擅名。滑氏讀鈔。亦嘗論及。乃曰。矢醴。麋銜。治人疾也。豈誠二藥

果有過乎。諸藥之能。以致喋喋。贊美之如是邪。蓋緣上古

俗尚質朴。人所病者。多中實邪。二藥專攻。正與相對。用每轉交

故錄其名。中古以來。咸溺酒色。病之着體。虛損居多。藥宜補調

難行。攻擊。由是鷄矢。淬酒。無復下咽。麋銜之名。絕不聞耳。正子

子所謂彼一時。此一時。故也不然。利前之藥。豈有不利於後乎。

### 薇銜



菴藟子

味苦氣微寒微溫無毒苗如蒿艾處處叢生十月採實吟

乾。荆實。薏苡為使。江南人家亦多種。此以碎蛇也。消食明目。益氣

輕身。主女人經澁不通。扶男子陽痿不舉。消水氣。作脹。散瘀血。方

癰。打撲折傷。風寒濕痺。腰膝重痛。骨節痠疼。多服獲効。全安。久服

延年不老



寧州菴蘭子



狗脊 味苦甘。氣平微溫無毒。深谷多生。在處俱有。根採類金毛狗脊。故假為名。酒蒸須從巳至申。纔咀入劑。惡敗醬。使革薺。治腰背強疼。閉機緩急。理脚膝軟弱。筋骨損傷。女子傷中。欠調。老人失不節。周痺寒濕。並可醫痊。

溫州狗脊



茵陳蒿

味苦辛。氣平微寒。陰中微陽。無毒。隨處俱產。泰山者良。葉

細青蒿雖同。葉背白色却異。秋後葉落。莖梗不凋。至春復發。舊枝故因名茵陳蒿也。所行經絡惟足太陽。專治疸症發黃。入劑佐君主。佐梔子附子。分陽熱陰寒。陽黃熱多有濕。有濕有燥。濕黃加大黃湯服。燥黃加梔子橘皮湯煎。如茵澇則濕黃。茵旱則燥黃。濕則瀉之。燥則潤之意也。陰黃寒多。只有一證。須加附子。共劑成。解傷寒大熱。仍除退瘴瘧。風熱悉逐。行滯止痛。寬膈化痰。久服輕身。益氣耐老。

江寧府茵陳



絳州茵陳





草蒿即青蒿味苦氣寒無毒山谷川處有生葉實根莖並其藥

春夏採用莖葉為宜入童便熬膏退骨蒸勞熱生搗爛絞汁卻心

痛熱黃瘰肉腫癰燒灰淋濃湯點洩痢鬼氣研末調米飲吞秋冬

用之取根與實實須炒過根乃咀成愈風癩疥癢止虛煩盜汗開

胃明目辟邪殺蟲○白蒿即蓬蒿別名似青蒿而葉麤補中氣

濕黃長毛髮殊功○邪蒿似青蒿細軟利腸胃通血脉續不足有

功○牡蒿葉長齊頭一名齊頭蒿克皮膚血脉滿盛○角蒿花罷作

主口齒疳惡瘡○蘆蒿比小薊略殊下氣破血○蒿蒿與黃菊

近似安心養脾○又馬先蒿類芫蔚葉俗呼虎麻芫蔚亦理風

癩瘍

謨按諺云三月茵陳四月蒿人每誦之只疑兩藥一種因分老

嫩而異名也殊不知葉雖近似種却不同草蒿葉背向俱青且

結花實茵陳葉面青背白花實全無况遇寒冬尤大差異茵陳

莖幹不凋至春復舊幹上發葉因幹陳老故名茵陳草蒿莖幹

俱凋至春再從根下起苗如草重出乃名草蒿發舊幹者三月

可採產新苗者四月纔成是指採從先後為云非以苗分也

為說也

青蒿



草 蒿 角

蒿 白



茅根

味甘氣寒無毒曠野平原

久不產本為葢屋草俗呼之山

龍收採洗去衣皮指斷忌犯鐵器甘美可啖斷殼甚良下淋利小

便通閉逐瘀血除客熱在腸胃止吐衄因勞傷解渴堅筋補中益

氣苗破血且下水腫花止血仍罾金瘡又有茅針一名茅筭禁萌

漏塞鼻洪腫毒未潰服之一針便潰一孔屋茅陳久酒浸煎漚

衄血來服亦即止爛茅老屋上及葢牆者得醬汁和研斑瘡蠶咬瘡可動

屋四角茅收治鼻洪尤驗取茅屋滴溜水飲殺雲母石毒須知

又種管音慈花甘溫無毒亦止吐衄可貼灸瘡

澶州茅根



鼎州茅根



僊茅

味辛氣溫有毒西域多有蜀浙亦生葉青似茅故此為譽其

根獨莖而直旁附細根內肉黃白多涎外皮麁褐二月八月採根

曝乾梵語呼阿輪乾陶南人呼婆羅門蜜咀禁鐵器製浸米汁七

赤汁毒出無防忌兩般牛肉牛乳主心腹冷氣不能食療腰

痺不能行丈夫虛損勞傷老人失溺無子益肌膚明耳目助陽道

長精神久久服之通神強記傳云十斤乳石不及一斤僊茅亦

其功力爾誤服中毒舌脹者急飲大黃朴硝數杯仍以末搽舌

遂旋愈也

戎州仙茅



江寧府山





甘蕉根

味甘。氣大寒。惡毒種類。

地產亦殊。川蜀者作花。大萼

堪觀。

卷葉中抽幹作花初生大萼如倒垂甘蕉苗

閩廣者結實極美可噉他處雖有花實

俱無近歲都下。往往種之。並係芭蕉莖葉頗同。實非共一種也。此

指有子者為是。須待立秋後採根絞汁服。主天行狂熱悶煩。誤服

金石燥渴。產後脹悶。奇効悉臻。搗爛敷去小兒赤遊丹毒。大人

背癰疽風癩頭瘡。神功立應。蕉油在於皮內竹筒插入吸來。如取漆也

煩渴飲差鬚髮塗黑。暗風癩悶暈欲倒。急飲下一吐便甦。子生

熟黃可曝乾寄遠。北地以為珍果。食每蒸熟取仁潤心肺生津通

血脉填髓。○芭蕉根性雖相類。醫方內不載拯疴。但吸其油。

黑髮。

芭蕉花



芭蕉根



景天

味苦酸。氣平。無毒。一云有小毒。人家園亭多以盆植。莖葉堅

厚。隨插隨生。俗名掛壁青。謂無土養不瘁。又名慎火草。因治火

立差煎湯浴。小兒熱刺癩瘡。搗爛敷。小兒赤遊丹毒。金瘡。蠱毒。毒

療風驚。熱燥。總醫。花。香細。淺紅。帶赤白能止。

景天





徐長卿 味辛氣溫無毒。淄齊淮<sup>州</sup>。有。卑濕川澤皆生。春煖去榮。

冬寒枯槁。葉如柳葉。兩兩相當。根類細辛。區區短小。氣嗅亦似。三  
月採收。麤杵以少蜜拌勻。磁甌蒸。三伏曝用。去蠱毒疫疾。殺鬼物  
精邪。溫瘧祛惡氣。逐久服強悍。輕身延年。

### 徐長卿



黃藥根 味苦氣平。無毒。藤生三四尺高。莖根與小桑類。萬州<sup>屬</sup>


者緊重。他處者輕虛。十月採根。外科多用。主咽喉痺塞及諸惡腫  
毒瘡疽。治蛇犬咬傷。併馬走心。肺積熱。生搗取汁。亦合亦塗。子肉

### 黃藥

味酸消癭甚捷。收須浸酒。日飲數杯。見効即止。不爾項縮。



黃藥根



石龍薊 味苦氣寒微溫無毒。生長山谷濕地。九節多味者良。又

龍鬚。織席堪用。五月採莖。日曝。九月採根。陰乾。通小便。不利熱淋。  
除內傷不足。虛痞。殺鬼疰。惡毒。去尿管澁。痲。潤皮毛。槁枯。卻心。夏  
邪氣。久服延壽。明日輕身。○敗蘆煎湯。治淋亦効。

### 石龍薊





石龍芮 味苦氣平無毒。雖生川澤。出益州蜀四一叢數莖。莖三葉。葉芮芮短小多缺。子綴綴色黃味辛。如葶又云。有兩種類。水生者。葉光澤子圓陸生者。葉有毛子銳。入藥劑內。水生者佳。二月八月採皮。五月五日收子。以大戟為使。畏蛇蛻吳茱。平胃氣。欠印胃熱作滿。補陰氣不足。莖冷失精。風寒濕痺。齊岐。心腹邪氣。音通利關節。悅澤皮膚。久服明目輕身。令人結孕育子。其陸生者。不可不知。炙另名取少葉。揉繫臂上一宵。作大泡。狀如火燂。燂赤善惡懸。

石龍芮



絡石 味苦氣溫微寒無毒。陰山峻壁隨處有之。多包絡石上。或蔓延木上。莖節着處。即生根鬚。葉圓凌冬常青。花白結子畧黑與薜荔。木連地錦。石血等。同一類焉。人家亭圃石山亦每種植翫飾。莖葉入藥。擇附石為良。畏貝母菖蒲。使牡丹杜仲。痰閉不通。水煎湯下立甦。背癱。燂腫。延開。蜜和汁服。即効。堅筋骨。強健腰足。利關節。潤澤容顏。去風熱。死肌。解口舌乾燥。蛇毒。心悶。堪散刀瘡。口可封。久服輕身。通神明目。延年耐老。○薜荔雖同絡石。莖葉麗大如藤。治背癱。將葉採收。煎酒飲下利即愈。○木連味苦。耐水而生。苗藤似寄生。黃綠直上。枝葉如石韋。豐厚且圓。任採煎湯。豆收浸酒。初服壯陽卻病。久服耐老延年。藤汁取之。堪敷風毒。掃白癩風癬。除疥癬。癰瘍。子生大類蓮房。一年一熟。房內多白汁。久漸黑。疑破血甚良。依時收採。子一藥。並載圖經。○地始



如鴨掌。藤蔓著地。陸行有根亦。石沿長。每耐寒凍不壞。煎湯  
浸酒。破血止疼。祛產後血凝。逐腹中血瘕。○又種石血亦以血攻  
狀與絡石相同。但葉尖而半赤。石崖多產。收取無時。煎酒建功。墮  
胎亦速。

絡石



一  
卷畢



